



Kinn kommune

Arkiv: TI-&60, TI-&13
JournalpostID: 21/48592
Sakshandsamar: Runa Nybakk
Dato: 12.11.2021

Saksframlegg

Saksnr.	Utval	Møtedato
062/21	Oppvekst- og kulturutvalet	16.11.2021
155/21	Kommunestyret	18.11.2021

Informasjon om vidare arbeid med forskriftssak om skulestruktur i Kinn kommune

Kommunedirektøren sitt framlegg til vedtak:

Kinn kommunestyre sluttar seg til kommunedirektøren sin framdriftsplan for å fastsette framtidig skulestruktur og opptaksområde for skulane i Kinn kommune.

Vedtak som innstilling frå Oppvekst- og kulturutvalet - 16.11.2021

Kinn kommunestyre sluttar seg til kommunedirektøren sin framdriftsplan for å fastsette framtidig skulestruktur og opptaksområde for skulane i Kinn kommune.

Oppvekst- og kulturutvalet 16.11.2021:

Handsaming:

Representantane peikar på sein utsending og for kort tid til å sette seg inn i saka. Kommunalsjef Runa Nybakk orienterte og svarte på spørsmål.

Votering:

Med leiar si dobbelstemme vart kommunedirektøren sitt framlegg til vedtak vedtatt mot fire røyster, (SV-v/Ingunn Frøyen, R-v/Hege Brandsøy og SP-v/Torgnn Eikevik og Fredrik Egeberg).

OPKUV- 062/21 Vedtak:

Kinn kommunestyre sluttar seg til kommunedirektøren sin framdriftsplan for å fastsette framtidig skulestruktur og opptaksområde for skulane i Kinn kommune.

Kommunestyret 18.11.2021:

Handsaming:

Utsetting, foreslått av Ola Teigen, Kinn Arbeiderparti
Saka vert å fremje på nytt i kommunestyret 14.12. Innan då skal saka ha vore handsama i oppvekst- og kulturutvalet.

utsetting av handsaming, foreslått av Ola Teigen, Kinn Arbeiderparti
Saka vert å fremje på nytt i kommunestyret 14.12. Innan då skal saka ha vore

handsama i oppvekst- og kulturutvalet

Røysting:

Utsettingsframlegg vedtatt mot 3 røyster, AP- Strand, KrF-Nydal og FrP- Jansen.

KOST- 155/21 Vedtak:

Saka vert å fremje på nytt i kommunestyret 14.12. Innan då skal saka ha vore handsama i oppvekst- og kulturutvalet.

Bakgrunn for saka:

I handlingsprogram og økonomiplan for 2021-2024 gjorde Kinn kommune følgjane vedtak:

Strukturendring i skule, Stavang og Steinhovden. Stavang og Steinhovden skule skal vere del av handsaminga av skulebruksplan/forskrift om opptaksområde vinteren/våren 2021. Ev. konsekvensar av slik handsaming vert å komme attende til i revidert budsjett 2021. Avgjerdsle knytt til Stavang og Steinhovden må difor vere fatta innan utgangen av februar 2021.

Sak om Forskrift for opptaksområde for skulane Solheim, Stavang og Steinhovden vart handsama i Oppvekst og kulturutvalet 13.04.2021 (sak 23/21) og Kinn kommunestyre 29.04.2021 (sak 45/21).

Kommunestyre gjorde slikt vedtak i sak 45/21:

- 1. Kommunestyre legg til grunn at flytting av elevar frå Solheim skule skjer etter initiativ, og i samråd med foreldre. Med heimel i Opplæringslova § 8-1 vert difor forskrift om opptaksområde skule endra slik at Solheim skule ert lagt ned frå 01.08.2021 og lagt til Brandsøy skule sitt opptaksområde.*
- 2. Opptaksområda for skulane i Stavang og Steinhovden vert handsama i samband med skulebruksplanen, men ikkje seinare enn i oktober 2021.*
- 3. Forskrift om opptaksområde for skulane Stavang og Steinhovden vert ikkje endra no.*
- 4. Vidare drift av Stavang barnehage vil frå hausten 2022 avgjerast av tal barn i barnehagen, jfr. § 14 i vedtekter for barnehagane i Kinn kommune.*
- 5. Kommunestyre legg til grunn at skulebruksplanen sine vedtekne prinsipp for reisetid også gjeld elevane i noverande Solheim skulekrins.*

Saksopplysningar:

Kommunedirektøren har varsla at arbeidet med forskriftssaka knytt til skulestruktur for skulane i Kinn kommune, ligg etter den tidsplanen som går fram av vedtaket i sak 45/21.

I komunedirektøren sitt utkast til handlingsprogram og økonomiplan 2022-2025, er det gjort slikt framlegg til vedtak om forskrift for opptaksområde for skulane i Kinn kommune:

Det vert lagt opp til ein prosess som legg til rette for vedtak om forskrift for opptaksområde for skulane i Kinn kommune innan 1. mars 2022. Etter handsaming i Oppvekst- og kulturutvalet vert forskrifta å legge på høyring før årskiftet. Høyringstida vert sett til fire veker. Kommunestyret føreset at komunedirektøren legg opp til ein prosess med medverknad i høyringstida. Ei vurdering av nærskuleretten og bornet sitt beste skal vere del av saksutgreiinga.

Det vert lagt opp til slik framdriftsplan i arbeidet framover:

Framdriftsplan	2021	2022
-----------------------	-------------	-------------

Sak om framdrift til OK-utval og kommunestyre	veke 46	
Dialogmøte med foreldre/FAU på skulane	veke 47 og 48	
Arbeidsgruppe utarbeider utkast til ulike alternativ for opptaksområde	veke 47-48-49-50	
Sak om forskrift om opptaksområde/skulestruktur til handsaming i ekstra møte i OK-utval (15. ev. 16. desember 2021) Høyringsperiode (17. desember -21 til 31. januar -22)		veke 50 veke 50 (-21) til veke 5 (-22)
Høyringsfrist 31. januar 2022		veke 5
Sak til OK-utval 1. mars		veke 9
Sak til kommunestyret 17. mars		veke 11

Vurderingar:

Når arbeidet nå startar opp er det viktig å få til gode prosessar og ivareta medverknad frå dei involverte partane; barn, foreldre og tilsette. Det er planlagt å gjennomføre dialogmøte for å få gode innspel til løysingar, før alternativ til forskrift om opptaksområde for skulane i Kinn vert sendt på høyring.

Høyringsperioden vert utvida til 6 veker, då jule- og nyttårshøgtida er i høyringsperioden. Det vert også planlagt prosessar for medverknad i høyringsperioden. Framdrifta elles er i samsvar med framlegg til samordna møteplan 2022, som skal handsamast i Kinn kommunestyre 18.11.2021.

Det er lagt opp til ein stram framdriftsplan, men vi meiner at den let seg realisere.